



galicia

# XUNTA DE GALICIA

DELEGACION TERRITORIAL DE VIGO  
Xefatura Territorial da Consellería do Mar

R/. Concepción Arenal, 8, 4ª planta  
36201 – Vigo  
Tfno.: 986 817 128 Fax: 986 817 030

## RESOLUCIÓN ÚNICA DA XEFATURA TERRITORIAL DA CONSELLERÍA DO MAR NA VIGO QUE PRORROGA O PERÍODO DE VIXENCIA DAS AUTORIZACIÓNS PARA O EXERCICIO DE ACTIVIDADES DE MARISQUEO (RECURSOS XERAIS E ESPECÍFICOS)

### ANTECEDENTES

1. Mediante resolución da Xefatura territorial da Consellería do Mar en Vigo pola que se autorizan as actividades de marisqueo segundo os plans de xestión aprobados para este ano e durante o período solicitado por cada entidade.
2. O 16.03.2020 a Directora Xeral de Desenvolvemento Pesqueiro remite a Circular MA-01-2020 pola que se ditan instrucións e recomendacións sobre o desenvolvemento da actividade marisqueira durante o período de medidas preventivas como consecuencia da evolución do coronavirus COVID-19.

### CONSIDERACIÓNS LEGAIS E TÉCNICAS

1. A Resolución da Secretaría Xeral Técnica da Consellería de Presidencia, Administracións Públicas e Xustiza, do 13 de marzo de 2020, dálle publicidade ao Acordo do Consello da Xunta de Galicia, do 13 de marzo de 2020, polo que se declara a situación de emerxencia sanitaria no territorio da Comunidade Autónoma de Galicia e se activa o Plan territorial de emerxencias de Galicia (Platerga) no seu nivel IG (emerxencia de interese galego), como consecuencia da evolución da epidemia do coronavirus COVID-19 (D.O.G. núm. 49-Bis do 12 de marzo de 2020).
2. Por Resolución de 15 de marzo de 2020, da Secretaria Xeral Técnica da Consellería de Presidencia, Administracións Públicas e Xustiza, dáse publicidade ao Acordo do Centro de coordinación Operativa da situación de emerxencia sanitaria no territorio da Comunidade Autónoma de Galicia, declarada polo Acordo do consello da Xunta de Galicia do día 13 de marzo de 2020, como consecuencia da evolución da epidemia do coronavirus COVID-19 (D.O.G. Núm. 51 do 15 de marzo de 2020).
3. As disposicións transitorias primeira e segunda do Decreto 153/2019, do 21 de novembro, polo que se regula o réxime de conservación e explotación dos recursos marisqueiros e das algas establecen o seguinte:
  - O Plan Xeral de explotación marisqueira para o ano 2019, aprobado pola Orde do 20 de decembro de 2018, prorrógase ata o 31 de decembro de 2020.





# XUNTA DE GALICIA

DELEGACION TERRITORIAL DE VIGO  
Xefatura Territorial da Consellería do Mar

R/. Concepción Arenal, 8, 4ª planta  
36201 – Vigo  
Tfno.: 986 817 128 Fax: 986 817 030

- Os plans de xestión regulados pola Orde de 20 de decembro de 2018 pola que se aproban os plans de xestión para recursos específicos en Galicia para o ano 2019 prorrogáanse ata o 31 de decembro de 2021.

Así mesmo, no artigo 20 do Decreto 153/2019 establécese que as xefaturas territoriais autorizarán o desenvolvemento das actividades de marisqueo dos plans de xestión, logo da petición da entidade titular do plan, e polo tempo establecido nas resolucións de autorización.

4. Esta xefatura territorial en virtude da competencia que se lle outorga no artigo 20 do Decreto 153/2019 así como no Decreto 245/2009, do 30 de abril, polo que se regulan as delegacións territoriais da Xunta de Galicia ten competencia para ditar a presente resolución.

De acordo con todo o anterior, **RESOLVO:**

Prorrogar ata o 30 de abril de 2020 o período de vixencia das resolucións de autorización para o exercicio das actividades de marisqueo que estean en vigor.

Considerase que aquelas entidades que xa solicitaron ou soliciten a anulación total da apertura non teñen autorizacións en vigor, e polo tanto non deben entenderse prorrogadas.

Condicións adicionais:

1. As entidades titulares dos plans de xestión e de acordo coas agrupación sectoriais, de ser o caso, poderán adoptar acordos para variar as medidas de xestión das resolucións de apertura autorizadas sempre no marco das medidas aprobadas en ditos plans e previa comunicación a esta xefatura territorial.

2. Poderán ser emitidas novas ampliacións en función da adopción de medidas de saúde pública na Comunidade Autónoma de Galicia.

3. Esta resolución non afectará a aquelas resolucións que xa superen dito período (30 de abril de 2020) e a aqueles plans que non teñan autorizada a apertura para o mes de marzo, en cuxo caso terán que presentar a solicitude correspondente.

Contra esta resolución que non pon fin á vía administrativa, poderá interpoñerse recurso de alzada ante a Conselleira do Mar no prazo dun mes contado dende o día seguinte á notificación ou publicación desta resolución, segundo dispón a Lei 39/2015, do 1 de outubro, nos seus artigos 30, 121 e 122 (sección 2ª do capítulo II).

Mediante este documento notifícaselle ás entidades interesadas esta resolución, segundo o esixido no artigo 40 da Lei 39/2015, do 1 de outubro.

